

NDZAWULO YA DYONDZO YA LE GAUTENG

XITHIFIKHEYITHI XA XIKAMBELO XA LE HENHLA

**XITSONGA XA RIRIMI RO SUNGULA
NHLAWULO WA LE XIKARHI
(Papila ra vunharhu)**

**OCTOBER / NOVEMBER 2005
OKTOBER / NOVEMBER 2005**

NKARHI: 2 wa tiawara

TIMAKISI: 80

SWILETELO NI SWITSUNDZUXO:

- Papila leri ri na Swiyenge swinharhu: A, B, C.
 - Hlamula swivutiso hi Xitsonga lexi ringanisiweke. Vurhon'wana na mahlamulelo layo kongoma swi ta ku tlakusela timaraka.
 - Tinomboro ta tinhlamulo ta wena ti fanele ti fana ni ta swivutiso.
-

**XIYENGE XA A
XITSALWANA**

- Hlawula xitsalwana xin'we ntsena eka leswa ntlhanu leswi landzelaka.
- Xitsalwana xa wena xi fanele xi va kwabmu ka 250 – 300 wa marito.

XIVUTISO XA 1

- 1.1 Afrika-Dzonga hi lembe ra 2010. (30)
- 1.2 Vusweti. (30)
- 1.3 Ku tlangela malembe ya khume ya ntshunxeko. (30)

- 1.4 Xiyaxiya xifaniso lexi kutani u xi nyika nhlokomhaka ivi u tsala xitsalwana ehansi ka yona.



(30)

- 1.5 Tsala xitsalwana lexi helaka hi marito lama landzelaka: **vutomi lebyi wo tihlakulela.**

(30)

NTSENGO WA XIYENGE XA A: [30]

XIYENGE XA B

Eka xiyenge lexi, hlamula xivutiso xin'we ntsena eka xivutiso xa 2 ni xin'we ntsena eka xivutiso xa 3. Nhlamulo ya wena yi fanele yi va kwalomu ka 120 – 150 wa marito

XIVUTISO XA 2

- 2.1 U vone xinavetiso xa ntirho eka phepha-hungu ra *Sunday Times*. Tsalela matsalana wa lava va nga endla xinavetiso lexi u kombela ntirho. (15)

KUMBE

- 2.2 Tsalela munghana wa wena papila u n'wi tsundzuxa leswaku a tihlayisa hikuva xitsongwatsongwana xa HIV/AIDS xi kona naswona xa dlaya. (15)

KUMBE

- 2.3 Tsala mutimu ya mufi ya munhu loyi u n'wi tivaka. (15)

KUMBE

- 2.4 Xikolo xa n'wina a xi vhakele evuhlayiselweni bya swiharhi bya Manyeleti. U wun'wana wa vadyondzi lava a va ri kona eka riendzo-dyondzo leri. Tsala dayari ya masiku ya ntlhanu ya leswi swi nga humelela eriendzweni leri. (15)

XIVUTISO XA 3

- 3.1 Tsala xinavetiso (advertisement) lexi eka xona u kombaka leswaku hikokwalaho ka yini vaendzi va matiko ya le handle kumbe va swifundza swin'wana va fanele ku endzela xifundza xa Gauteng. (15)

KUMBE

- 3.2 U vone xinavetiso xa ntirho eka phepha-hungu. Lava va tsakelaka ntirho lowu va komberiwa ku rhumela matsalwa yo titivisa (C.V). Tsala C.V. ya wena leyi u nga ta va rhumela yona. (15)

KUMBE

- 3.3 U murhangeri wa vadyondzi exikolweni xa n'wina, tsala xitiviso (memo) u tivisa vadyondzi-kuloni hi vaendzi lava nga ta ta vo huma eka ndzawulo ya rihanyo. (15)

NTSENGO WA XIYENGE XA B: [30]

XIYENGE XA C

Hlawula xivutiso xin'we ntsena eka xiyenge lexi u hlamula xona.

XIVUTISO XA 4

Xa Mina I Tinyeleti: F Rikhotso

- 4.1 4.1.1 Xana ntsheketo wu sunguriwa hi ndlela yini? (1)
- 4.1.2 Loko mutsheketi a hetile ku tsheketa u dlayiseta hi ndlela yihi? (1)
- 4.1.3 Xana i vamani va talaka ku tsheketa naswona hikokwalaho ka yini ku tsheketa vona? (3)
- 4.1.4 Ku tsheketiwa hi nkarhi wihi wa siku? (1)
- 4.1.5 Loko ku ri karhi ku tsheketiwa ku pfa ku yimbeleriwa. Vula mintirho mimbirhi ya swinsin'wana. (2)

- 4.1.6 Eka ntsheketo dyondzo wa swiharhi “Evukon’wanini bya N’wamfenhe”, N’wamfenhe a rhumetela N’wampfundla ku ya yiva yini? (1)
- 4.1.7 Xana N’wamfenhe a byeriwe leswaku a ku i munyu wo lunga yini loko a vutisiwa? (1)
- 4.1.8 Hi yihi dyondzo leyi hi yi kumaka eka ntsheketo lowu? (2)
- 4.1.9 Eka ntsheketo wa **varindzi va tinxakwari** hikokwalaho ka yini vana lavambirhi va vuriwa vana va swisiwana? (2)
- 4.1.10 Xana tinxakwari i yini? (2)
- 4.1.11 Xana wanuna loyi loko a lava xinhwanyetana xi yimbelela a ku yini? (2)
- 4.1.12 Nyika dyondzo leyi hi yi kumaka eka ntsheketo lowu. (2)
- (20)**

KUMBE

- 4.2 Tsala minkomiso ya Mintsheketo leyi landzelaka:
- 4.2.1 Swihandzamatala (10)
- 4.2.2 Tindleve ta Mbhongolo. (10)
- (20)**

KUMBE

XIVUTISO XA 5

Ntlhontlho: W.R. Chauke

- 5.1 Hlaya ntshaho lowu landzelaka kutani u hlamula swivutiso leswi wu landzelaka.
- “Etshinelani vanhu va tshama emabokisini layo hlamarisa ... ku tele timbyana leto ondzo ... Vamakhelwana i maxaka. Swigevenga a va ha swi chavi ngopfu, va chava Mthovu. Hinkwavo va tiva xitori xa Mthovu ...”
- 5.1.1 Xana timbyana to ondza ti nga va ti komba yini hi ndhawu ya Tshinelani? (2)
- 5.1.2 Vaakatiko va Tshinelani a va n’wi chava yini Mthovu? (2)
- 5.1.3 Xana Mthovu a a tirha yini? (1)
- 5.1.4 Tsala vito ra Mufundhisi ni ra n’wana wa yena wa nhwanyana? (2)
- 5.1.5 Nyika vito ra gqwetha ra Mthovu. (1)
- 5.1.6 Xana nandzu lowu a wu vikiwe hi mufundhisi wu helele kwihi? (2)
- 5.1.7 Xana Mthovu a a lombe mali muni eka Xindlandlamuki? (1)
- 5.1.8 Hi yihi dyondzo leyi hi yi kumeke endzhaku ka ku ahluriwa ka nandzu wa Xindlandlamuki na Mthovu? (2)

- 5.1.9 Nyika vito ra nsati wa Rikhotso. (1)
- 5.1.10 Nandzu wa Rikhotso na Mthovu wu helele kwihi? (2)
- 5.1.11 Hi wihi nandzu lowu ninginiseke muti hinkwawo wa Tshinelani? (2)
- 5.1.12 Xana Mthovu u helele kwihi? (2)
- [20]

KUMBE

- 5.2 Wansati u fanele ku tshembheka eka nuna wa yena; loko swi nga ri tano vukati bya fa. Seketela mhaka leyi hi timhaka leti ti humaka eka tsalwa ra Ntlhontlho hi W.R. Chauke.

[20]

NTSENGO WA XIYENGE XA C: [20]

TIMAKISI HINKWATO: 80